

18. marts 2015

Uunga siunnersuut: Suliffeqarnermi innersuussisarneq il.il. pillugit Inatsisartut inatsisaata nr. 5, 8. juni 2014-imeersup allanngortinnissaa pillugu Inatsisartut inatsisaat nr. xx, yy 2015-imeersoq.

(Inuussutissarsiornermut, Suliffeqarnermut, Niuernermit Nunanullu Allanut Naalackersuisoq)

Siumumit Inuussutissarsiornermut, suliffeqarnermut, Niuernermit Nunanullu allanut naalackersuisut saqqummiussaanut ima oqaaseqaateqassaagut:

Inatsisissaq imaqarpoq; Suliffissarsiornerup oqilisaaffigineqarnissaanik aammalu eqaannerusumik suliffissarsiortup sulisitsisullu akornanni attaveqatigiinnissamik. Inatsisissatut allannguitissap pingaarnertut imaraa; Naalackersuisut nuna tamakkerlugu nittartagaq aqutigalugu suliffissarsiortunik nittarsaassisinnaalernissaat. Tassanilu anguneqassaaq suliffissarsiortup illoqarfinnit tamanit sulisitsisunit CV-ata takuneqarsinnaalernissaa. Taamaasilluni sumiiffimmi suliffissamik aammalu sulisussamik nassaarsinnaangikkaanni, jobportali atorlugu nassaarsinnaanissaq. Taamatutaaq aamma najukkami eqaatsimik Kommune suleqatigalugu inerisaanissaq Siumumit taperserparput.

Siumumiit inatsisissatut siunnersuutip aappassaaneerreqannginnerani Inuussutissarsiornermut Ataatsimiititaliami sukumiisumik suliarineqarnissaa inassutigaarput.

Ineqi Kielsen

Siumut